

# KANAOUENNOU

*Diverruz, diwar-benn eur C'habiten a lonkour hag he ékipach oc'h erruout oar gwél ann douar a Breiz, goudé eur véach hir.*

*Ar C'habiten kerkent a gomz oud-hé, hag a lavar ar c'homzo-man d'ar zegont, hac a gân var ton kabiten Ar Meur :*

Erru zo arré eunn déz névé ;  
Krog eo ar perroket da gana ;  
Admiromp sclérijen eunn Doué  
Hô tout bemdez d'hon bizita.  
O devez kaer a réjouissans !  
Ma wélinn ann ti paterael !  
Erru hon oar gwel an-douar Frans,  
Prest da antren enn Breiz-Izel.

bis.

Ma minon zégont, béz diljant  
Da évertisan ann ékipach.  
Evit ma lakafomp hon batimant  
Prest da antren enn hon héritach,  
Anons dézhô eo erru an devez  
Ma teuiô hô diou god da wennan,  
Hô pokat d'hô zud jant lévénez,  
Mar choum ann avel er roud-man.

bis.

Apersev a réomp eur vrumen  
Hô sével diwar ann douar ;  
Prest omp d'antren 'barz hon traouien,  
Evit dizéchan ar glac'har  
Zo 'barz enn kalonouou hon famil,  
Hô wélet hon rétaradamant ;  
Mès hon béach a zo bét util,  
Zé a roiô dézho contantamant.

bis.

Pa'n deuz gréat péb-hini hé déver,  
Arrétomp aman oar ar pont ;  
Admira rann gwélet ann amzer  
Hô favorizan ac'hanomp.  
Contaplomp ez ann er c'henta bro,  
Enn andréjo omp bét ganet ;  
Azé dré holl, mesk ar ménéio.  
Hé ma hon c'hérent, hon minonet.

bis.

Ma minonet, mé ro audians  
Da bép-hini da zisklérian  
Ann tenor dimeuz hé connaisans ;  
Ac'hann a c'helfomp hô fiksan,  
M'hon dévo eun tamm agréamant  
Hô klévet hag hô kontampli  
Ken a vézo erru hon batimant  
En kaé Pempoul da réposi.

bis.

## Ar Zégont.

Chétu dû-hont antré ar rivier  
A gundu da géar Lanhuon.  
Pa wélan ez eo ziuol ann amzer,  
Mé a ic da gana eur chanson,  
'Vit ma clévo ma c'hoar Perrinan,  
Gant ar maré a iêlô ma mouez ;  
Hi a zo en kouent Zantez-Annan,  
Tri bloaz-zo pansionnerez.

bis.

Béz' em bo ar gonsolation,  
Unan euz ann dezio nésan,  
D'hé ambrasin gant joa enn em c'halon,  
Enn parloer Zantez-Annan,  
Ar c'himjad trist ar c'huanado  
Hor boa gréat ouz en em séparin,  
A raïo zujet deuz hon joaio,  
Pa c'halfomp en em saludin.

bis.

Nin a oé manet hon daou minoro,  
'Barz ar béd, war lerc'h hon zud ;  
Mé a valé dré ar provinso,  
Ha c'houi a vev enn solitud.  
Sévomp hon péden war zu Doué ;  
Mé zo hô preur, c'houi zo ma c'hoar,  
Ha grás d'imp d'en em gwélet eunn déz,  
Assamblét gant hon tud er gloar.

bis.

## Ar C'habiten.

Mar eô azé hé ma da draouien,  
Kont d'imp ann tenor euz da vro ;  
Pélec'h azé hé vézo ta loden,  
Pa jouisi euz ta vado ?  
Alies ac'h euz d'imp espliket  
Pénoz hé oa ar gaéran bro  
Kanten Lanhuon, Perros-Guirec,  
Trégastel ha Pleumeur-Bodo.

bis.

## Ar Zégont.

Dézirout a rann kaout eunn dachen  
'Barz en parouz Pleumeur-Bodo ;  
Glas d'in ha d'am pevar damm planken,  
Goudé ann heur dimeuz ma maro,  
Ma réposin enn mesk ma famil,  
Ma c'hérent ha ma minonet,  
Bété m'a klévin ann droimpil  
A zonô ann éal da fin ar bed.

bis.

## Ar C'habiten.

Na gomz pelloc'h a dristidigez,  
En devez kaër hon euz c'hirie ;  
Péleac'h a choum da vestrez,  
'Mar gwéter' hi zi afesse ;  
Diskoez d'in chiminal hi c'houent,  
Ha mé raïo eur c'houistéladen ;  
Mar gallan mé raïo d'ézhi entend  
E man hé minon o trémen.

bis.

## Ar Zégont.

Enn bord an aod, sellit eunn draouien  
A zô remplis euz a dûd ;  
Eunn tamm huelloc'h, oar eun dosen  
E man kouent ma c'harante ;  
Enn hou-néz a zo eur fleuren kaër  
Karet gant ann holl Vrétoned,  
An Itron-Varia ar Sclerder,  
'Barz en parouz Perros-Guirec.

bis.

'Barz enn amzer ma bugaleach,  
Mé oâ gant furnez kélennet  
Na razenn nép avantach  
Ho karout objédo ar bét.  
Ha mé a zéziré kaout eur vestrez,  
Hag a deuf d'am azistan,  
Hag am euz gréat anoudegez  
Gant Mari, merc'h zantez Annan.

bis.

Enn hi am euz laket ma fian,  
Ha hi respont dam' goulénno ;  
Rei a ra din sicour bag asistans  
Ebarz ar brasan dangério.  
N'eo ket 'vel mestretzet ann amour,  
Na glaskont németz joausdet,  
Pa véz ar brasa ézoum a zicour  
Ez oc'h gant hé abandonet.

bis.

Rét é vé d'ec'h béza bét er plas-zé  
Da hanter eost évit krédi  
Pégément a dûd a bép koste  
A deû da vizita hi di.  
Ann hini vézo bét er bloaz-man,  
E c'houlenn digant-hi eur mennat,  
Da vloaz a retorno hép mankan  
Adarré d'hé zrugarékad.

bis.

Ia, azé zo eur c'hontré kaër,  
Da remprédet gant ar pobl bréton  
Da hanter éost o vont d'ar Sclerder,  
Ha d'ar Pentécost da Zamzon.  
Hen-néz zo ma brasa kamarad ;  
'Barz enn parouz Pleumeur-Bodou,  
D'ann nép hen péd a rent zervich mad,  
Hag asistanz enn hé ézoum.

bis.

Pa oann bugel, enn Pleumeur-Bodou,  
Mé vijé mintin mad savet  
Evit mont da vord ar c'hroaz hinchou,  
Da wélet ar bélérinet,  
Péré a deû a bel ével a dost,  
Da c'houlenn résistanz sant Zamson,  
Déz ar lun bask ar Pentécost.

bis.

M'am bé iéc'het ha prospérité,  
Pa vézo fin d'am c'hampagnou,  
Mé rai o rézidans er vro-zé,  
Domicil en Pleumeur-Bodou.  
Ann abitantet euz a c'hontré  
A zo tud humbl ha gènéruz,  
Tud a anavé lézen Doué  
Hag a gar hé Vamm da Jésus.

bis.

Kér léger a ia hon batimant,  
Erru omp dirag rad Perros ;  
Er plas-zé am euz bét kontantamant,  
Pa 'zéenn da wélet va zad koz,  
Eur breur d'am zad a oa martolod,  
A navigé er c'habotach,  
Hag éz éemp da vale gant hé ganol,  
Pa vijé er géar enn rélach.

bis.

Pa zellan da gaout bourk Louannec,  
Ez éo kontristet va c'halon ;  
Er plas zantel-zé éo bét interet  
Ma c'hulator a ma vaéron.  
Rét eo d'in finissa ma chanson  
Evit pédi gant ho éné ;  
Gréat eunn all ann déklarasion,  
Ann nép zo oar wél hé gontré.

bis.

# Kanaouen ar c'hentan Martolot ho respont d'he Gabiten.

OAR AR MEMEZ TON.

*Ar C'habiten.*

Kenta, ma minon ker,  
Kontantet ma c'huriozité ;  
Pa oc'h euz a ganton Landreger,  
C'houi a lavaro din ar wirionez.  
Enn pé sort andret euz ho kanton  
Ma ann tour uc'hel a wélan ;  
Mé gréd eo eun aplikasion  
Da vartolodet ar vro-man.

bis.

*Ar c'hentan Martolod.*

Troad ann tour zé zo, 'vit lavaret,  
Stok ous muraillo Landréger.  
Ann iliz a zô bet diskaret  
Abaoé pel euz a amzer ;  
Ann tour-zé anseign, ma c'habiten,  
Da gémer ann tro ar rivier ;  
Me gréd ez eo douget oar ho karten,  
Rag hi hanô zo brudet kaër.

bis.

Gwéchal parouz ar Minihiy  
E doa zant Mikel 'vit patron ;  
Mès zant Ervoan deù da eklati,  
Dré ma oa hé barouz gwirion ;  
Ha pa boz lagad eur guir breton  
Oar tour méin Zant-Mikel,  
A teù da zonz dezhan 'n hé galon  
Euz zant Ervoan, éal Breiz-Izel.

bis.

Roit eun tamm aplikasion,  
Mès rét a vo dac'h sellet piz  
Tour Landréger enn horison ;  
Chétu hi euz éeun d'am biz.  
Ann touriou-zé a diskoez fasil  
Pénoz Landréger, ma c'hontré,  
Zo bet habitet gant tud habil,  
Hag a zellé étrezé an év.

bis.

Chétu azé eunn iliz névez  
A zo enn parouz ann Trévou,  
A zo batiset gant tud a fé,  
Évit ober ho fédennou.  
Ouc'h-penn, mé a wel iliz Penvénan,  
E-lec'h ounn bet badézet ;  
Mé 'meuz bet kalz a vizer ha poan  
Abaoé ma c'hon diouti séparet.

bis.

O iliz kaër, chétu ho pugel  
Erru d'ho gwelet enn bué ;  
Bréman mé gano a vouéz c'huel :  
Hénon da Vreiz-Izel, ma c'hontré.  
Amá dré holl, é mesk ar ménéio,  
Zo batiset templo névez,  
Péré zo koustet kals a vadou,  
Évit renti gloar da Doué.

bis.

Sellit ! eunn dén enn tu man kavo,  
'Vel ma pozo hé daoulagat  
Oar douar ma bro, a wélo  
Eunn dra bennag a rémerkab.  
Chétu du-hont tour Zant-Konéri,  
Tour Plougouskant eo éguilé :  
N'eo két hép raizon rann mélodi  
Kanton Landréger ma c'hontré.

bis.

Ma vijé zentet euz ma c'homzo  
Am c'hoant da rei da ént-ent,  
Landréger gléfé chanch a hano,  
Ha béza c'hanvet bro arzent.  
Tri zo bet kanonizet,  
Hac eur zantez braz er c'hanton ;  
N'en deuz hini anezhè merzeriet ;  
Zé a ra hénon d'ar vro bréton.

bis.

E man zant Tual minon Jésus,  
Kenta eskob enn Landreger ;  
Ha kalz zo diskleriet évuruz,  
Bét eskibien enn mémez ker.  
Ha Breiz-Izel hag hé avokat,  
A zo natif euz ar Minihiy ;  
Zantez Koupaña 'bars enn Langoat,  
Enn Plougouskant, zant Konéri.

bis.

Kavet vé 'barz ar parouzou  
Ho rélégo dizouaret,  
Da béré vé gréat kalz a hénoriou,  
Ha gant ann holl int karet.  
Tud bet affijet en Breiz-Izel,  
Péré a ziskleri franchamant,  
Ho vizitan plasou zantel,  
Ho deuz bet soulajamant.

bis.

Mé na skouizan ket, na minonet.  
Oc'h ober élojo va bro ;  
Mès hon batimant a ia bepret.  
Pélec'h am euz bet anoudegez,  
Pa oan iaouank er géar,  
Ha gant zikour an holl vadélez  
Esperan ho kwélet é-berr.

bis.

Finissa a rann ma brépoziou :  
Kén a vo é-berr, tud ma c'hanton ;  
Mé a zézir joaüs ho kalonou,  
Hag a klevfet kana ma chanson.  
Némert ma c'hon preset gant ar maré,  
Mé 'mbijé gréat c'hroc'h ma ziskour,  
Mès eunn all a gommans adarré  
Ha n'eo két dac'h adversour.

bis.

Fin da ganaouen ar c'henta martolod.

# Kanaouen an eil Martolot.

OAR AR MEMEZ TON.

*Ar C'habiten.*

Erru omp dirag eur rivier  
Hag a ia bréman barz enn douar,  
Kalz pelloc'h évit kéar Landreger ;  
Eun den zo aman hag a oar.  
Eil martolot, mar pe bolanté,  
C'houi a zisklerifé penn da benn  
Ann ténor dimeuz ar rivier-zé,  
Hag euz ho kanton Roc'h-Derrien.

bis.

*Ann eil Martolod.*

Gléet ez éo d'in, pa gommandet,  
Eksplika d'ac'h eunn dra bennag ;  
Rag mar mankann da ober ho souc'het,  
Véfen eur zervijer ingrat ;  
Rag c'houi a so din a garanté,  
Mar zo eur c'habiten lonkour ;  
Vel eunn tad mad 'vid hé yugalé,  
Ne glesket némert hon récour.

bis.

Kasi 'vel eur burzud a gavann,  
Goude kément a danjério,  
Erruout oar wel dar skinvier-man  
Péré a gundu d'am bro.

Gant eur vag bihan da c'homona  
Mé a zo bet eiz vloaz diouc'h-tù  
Hô pesketa va zamik bara,  
Azé é mesk ar lic'hid dû

bis.

Galloud ha puisans eunn Doué  
N'eus gallet den biskoas kompren ;  
Digas réa ar mor diou vech bep déz,  
Da gerc'hal hon zamic koken,  
Pa rétonné mor ann Oséan,  
Évit bizita hon c'hontré,  
Éz éemp arré asambles gant han,  
En em drugarekaat Doué.

bis.

Pa erruemp oar wel iliz Sant Ervoan,  
Hon c'habiten a réa sin a groaz,  
Nonobstant d'hon mizer ha d'hon poan,  
Enn commun a lévérémp graz ;  
Goulenn réamp digant han bep maré,  
Ar péz a gévemp muia util :  
Konservation 'vit hon buéz  
Ha galloud da zouten hon famil.

bis.

Mé wel bréman dour an Oséan  
O vont da vizita ma bro,

Me garfé mont asamblez gant han,  
Mès erruout a rinn évit an dézio.

(*Ho wélet eur pesk a lavar dézhan :*)

Peskik bihan, chiléo ma c'homzo :  
Té a ia da antren er rivier,  
Gra eur gomision évit hon,  
Mé souc'het d'it chans a boneur.

bis.

Neui dré dindan pont Landréger,  
Hép koll kouraj, ha kerz pelloc'h,  
Gété an dour dous, en penn ar rivier,  
A rancontri pont ar Roc'h,  
Hag anons d'an dud euz ar c'hanton  
Pénoz a erruinn hép arrét,  
Da vizita gant devosion  
Ar chapel névez ho deuz savet.

bis.

An drivet zul a viz gwengóló,  
Mé esper erruout er pardon.  
Kaéran chapel zô ébars er vro,  
Glévaun zo zavet en em c'hanton,  
Enn kéar ar Roc'h, oar blasen ar C'halvar,  
Gwéchal eur fort évit diven kéar,  
Mès kréoc'h 'vit forcho an douar  
Ez éo ar Werc'hez p'hé véder.

bis.

Gwerc'hez pa oc'h bét apariset  
Da daou vogel ébars er montagn,  
Vit kéar ar Roc'h na chomit két kuzet,  
Nag euz bugale ar c'hampagn.  
Ni grio war-n-hoc'h a vouéz c'huel :  
Mari, va mamm, roit eskort ;  
Mar diroll ar mor hac an avel,  
Sturiet hon batimant d'ar bort.

bis.

Ma c'hellinn antrenn enn ti ma zad,  
Péhini a zo tost da vord an aôt.  
E ma ann daérou enn hé daoulagad,  
Pel zo ma oc'h ober kanv d'hé boir ;  
Mès é berr, pé war choaz ar beuré,  
Mé hén sardo var ma c'halon.  
Gant zicour ar Werchez ha graç Doué  
Mé esper erruout enn em c'hanton.

bis.

A péger dous vézo d'in répos  
Enn logik eur paour labourer !  
Harpan ma venn, évit trémen an noz,  
Oar eur penn euz hé oreiller !  
Ma vijé bét va mamm enn bué,  
Am bijé brasoc'h plijadur ;  
Oar ar péz erru dré bolanté Doué,  
Na dlé 'nem oppoz nep krouadur.

bis.

Ez ann d'hô anuian, ma minonet,  
Ret eo d'in lézel kément-zé,  
Kalz a c'hanomp ho deuz tud décédet,  
Ra vézo Doué gant hô éné.  
Pa véfomp erru enn hon c'hontré,  
Ila pa eo bét mad hon béac'h,  
Ni lakaio pédi évit hô éné,  
Zé zo ar gwella avantach.

bis.

Na c'hallan két finisa da barlant  
Hép explika d'éc'h eunn diskour,  
Klévet gant eun dén euz Pouldouran  
Am boà rankontret en estranjour,  
A lavaras d'in gant eun air joaüs,  
Ha dré eur c'homzo agréabl,  
Oa betizet eun templ burzudus  
Enn hé barouz da zant Bergat.

bis.

Pa drémenfet, hé mé han, ma minonet,  
Gréat dézhi eur vizit a skient,  
Kaeran iliz a zô er bro bréton  
Hervé ar barouz hag hé ment ;  
Lévril d'habitantet Pouldouran  
A pézo klévet ho élojo.  
Tri mil leo euz ho batisaman  
Gant eur martolot euz ho bro.

bis.

Gant eunn dén en deuz zicouret  
Plasa eur men enn ho iliz.  
Joa am euz da véza labourer  
Évit mad eur kaer kër édifis.  
Évit an neubeudik am euz préstet,  
Mé esper kavet intérest mad,  
Béza gant Doué rékompanset  
Dré brot-kision zant Bergat.

bis.

Chéto tout diskour ar merdéad,  
Péhini n'deuz két a diénez  
'Vit béza roët da zant Bergat  
Eunn tamm euz hé c'hounidégez.  
Konfians am euz barz enn Doué,  
Péhini gundu barec ar stur,  
Enn bué hag eun éternité  
Da gaout bonheur ha plijadur.

bis.

Habitantet kanton ar Roc'h-Derrien,  
C'houbanet zou ar merdéad ;  
Mé zo a-üz ar mor oar eur planken,  
Astènet ma diou vrec'h d'ho kad,  
Prest d'ho ambrasin dré garanté,  
Ebarz enn jardin Breiz-Izel,  
E-léc'h am euz résévet ar vué,  
E-léc'h a zézirann mervel.

bis.

Fin da ganaouen an eil martolod.

## Kanaouen an Novis ho respont d'ar C'habiten.

Oar a memez ton.

Ar C'habiten.

Eur c'hiz commun ho deuz ar Vrétonet,  
A laka ma spéret enn erreur ;  
N'ouzon ket a bé léc'h-eo diskennet  
A gir trist ével Doué Pleuveur.  
Ma minon novis mé am euz esper,  
Ha oc'h euz kanton Lézardré,  
Chekpliquet d'in, enn berr amzer,  
A bé léc'h a zorti ar gir-zé.

bis.

An Novis.

Kabiten, n'em euz mann refusabl  
'Vit kontantin ho zantimant ;  
Ar c'hist trist ar muian rémerkabl  
Anavéet enn hon départammant,  
A zo enn parouz Pleuveur-Gautier,  
Dirac ar gadorn zarmon ;  
A c'hané hé disken ar gir-zé,  
Eun mesk ann habitantet bréton.

bis.

Erru omp dirag kanton Lézardré ;  
Birvi a ra enn hon ma goad ;  
O erruout war wel d'am c'hontré,  
Né deuz nétra ker konsolabl.  
Evel Moïzès enn kreiz ar mor Rû,  
Oar wél d'au douar prométe,  
Mé am euz espérans da gaout répu  
'Barz ar c'hanton ma ounn ganet.

bis.

Mé a wel ar mélinou avel  
O tréi oar benn ar ménéiou ;  
Ilizou ha chapélou zantel,  
Ar c'houajou 'barz enn traoniéou,  
Mouéz ar lapouset o frédoni  
O annons ann amzer névé.  
Deuz kaloun trist da'n em konforti,  
Ma zave da vouéz 'trézeg an év.

bis.

Mé wel c'hoaz, dré lagad ma spéret,  
Traou rémerkabl 'barz ma c'hanton ;  
Iliz Kerborz a névez baliset,  
Kaer 'vel gwéhall templ Salomon ;  
Ar gest 'barz enn iliz Trédarzek  
A wélan c'hoaz o fleurissan,  
Enn endret ar béorien ézomek,  
Ann intanvézet, ann dud klan.

bis.

Kalonou miret ho vertu,  
Grignel Doué zô kanton ;  
Kaout raio péadra d'ho kundu,  
Ha pa rafec'h ann aluzon.  
Ornet kaër eo dré ho montagno  
Ar Vamm a gun du d'ar bonheur,  
Ha brudet braz, dré hé miraklo,  
Ann Itron-Varia an Traou-Meur.

bis.

P'am euz bét talent ar zonzézon,  
E c'hallann transport ma spéret,  
Da wélet kroaz kaër ar mision,  
En Planiel, oar ar véret.  
Brétonet, testou ho madélez  
A chomo pel oar ann douar,  
Roudjou ho taolin, gant zantélez  
Gravet enn zijen ar c'hatvar.

bis.

Ann éko euz mouéz ar martolot  
A ia bété douar Planiel,  
Dré ar c'han éklatant zo en aôt,  
Bété ti ar Verc'hez santel,  
P'hini a deu, gant he gouliou sacr,  
Da dréc'hi maré ar suplis.  
Pilot, a zicour ar merdéad,  
Ann Itron-Varia ar Goz-Iliz.

bis.

Poursuivet ez ounn da finisan ;  
N'em euz két ann amzer sufizant  
Da réi éloj 'vel ma téziran,  
Da Lézardréo, kanton charmant.  
Seiz parouz a zo 'barz ar c'hanton,  
Ha pévarzek mil dén pé oar dro,  
Hô karout a rann holl em c'halon,  
Hag a rinn bété ar maro.

bis.

Fin da ganaouen an novis.

## Kanaouen ar Mousik'bihan o respont d'ar C'habiten.—Oar ar memez ton.

Ar C'habiten.

Gwel dalé a rit, ma minonet,  
Ebarz 'n ho téklaration,  
Ha c'hoaz na vézo két d'in espliket  
Ar péz zo enn em intansion.  
Eunn tour kaër a wélan enn douar,  
Ha dén na gomz d'in anézhan ;  
Mousik'bihan, mar vé enn ho pouvoar,  
Espliket d'in pélec'h hé man.

bis.

Ar Mousik.

Kabiten, mé a anavé an tour-zé,  
Mé ia da espliqua d'ac'h raktal ;  
Hen-nez zo eur léo euz k'ear Pontréo,  
Ebarz ar barouz vraz a Bleuzal,  
Hag an iliz a zo stok eut-hau,  
Zo dign a admirasion.  
Teir léo enn rond, hép en em dromplan,  
A kléver ar c'hliéer o son.

bis.

E omp o trémen penn ar rivier,  
P'hini gundu da géar Pontréo,  
Disparti entré gwélo ha Dréguer,  
Unisel gant pont Lézardréo.  
Mé garfé nija 'vel eun alc'houéder,  
Oar diou askel ma zonzou,  
Da di ma zad, da barouz Quemper,  
Ar braoan euz ann holl parouziou.

bis.

Evit ma c'halfenn, gant humilité,  
Eu em brosterni oar ma daoulin,  
Ebarz enn parouz charmant Zant-Klévé,  
Dirag ar Werc'hez enn klérin,  
Evit akomplisa ar bromésé  
Am boz gréat da Vamm Jézus,  
Pa oamp enn danjer hon bué,  
Enn kreiz ar mor braz périllus.

bis.

Mès bréma me am euz espérans  
D'akomplisa ma fromésé,  
Ha d'ho saludi gant révéans,  
Habitantet kanton Pontre ;  
Mé a bok d'ho taouarn charitabl,  
Maget hon gant hoc'h aluzon,  
Ann d'eroù a gouéz ma daoulagad  
Ca d'in finisa ma chanson.

bis.



Fin da ganaouen ar mousik.

## Kanaouen ar C'habiten.

### Oar ar memez ton.

Mé ho trugaréka, ma minonet,  
Péb-unan enn particulier ;  
Gwélet rann éz oc'h gwir Brétoned,  
Hag obéisant enn em c'hénver.  
Poént éo d'imp gervel ar pilot,  
Ma raio hé bréparasion.  
A-benn ma vézo erru gant hé ganot,  
Am bézo kavet eur chanson.

bis.

Pa oamp du-zé 'barz ar broio all,  
A renkemp veilla gant soursi,  
Epad ann noz hag enn amzer déval.  
N'hor boa nétra d'ho anseini,  
Némert hon spéret ha gráz Doué,  
Hag ar Rouanez puisant  
Hé deuz prézervet d'imp hon bué,  
Ha souténet hon batimant.

bis.

Evuruz éo ar bro sivilizet,  
Hag ar rouantélez kristen.  
Aman péb tra a wélomp réglét,  
Dré urz ar prins hag al lézen.  
Séllét pét batisamant util  
A wélomp deuz hon batimant ;  
Darn zo batiset gant ar sivil,  
Darn all gant ar-gouarnamant.

bis.

Ann touriou tân a wélomp enn aôt,  
Ar balizo oar ar gérek,  
A zô tout évit diskouéz d'ar martolot  
P'hini éo ann hent asuret ;  
Ann télégraf évit kâs ar c'hélo,  
Mar omp gwélet enn danjer  
Ann hini a gémer kément-zé a fréjo  
Hep doutans a gar hon bonheur.

bis.

Chétu azé enezen Briat,  
Konfians traouien Breiz-Izel,  
Fortifikasion imprénabl,  
Santinello a sitadel.  
Tud ann douar hô deuz asurans,  
Ar merdéat a wel hé hent.  
Bnéz hir d'ann Empalaer a Frans,  
Konservasion d'hé gérent.

bis.

Sellomp ann douar o fleurisa,  
Hép mont a bel euz hon c'hontré,  
Ar parouziou holl o Vastisa  
Tiez kaër ilizou névez ;  
Gant amzer vad hal trunkilité,  
Al labour ar gwéan o son  
Ann Empalaer minon da Zoué,  
Ar béd enn hé gréasion.

bis.

Kanton Pempoul, répu ar furnèz,  
Ho labour a vérit mémoar :  
Mé a bublio ho madéléz  
Dirag ann év hag ann douar.  
Komparajabl euz ann ébéstel,  
Mé vél ho kouraj akétus,  
Da orna enn ilizou zantel  
Ha da énoré kroaz Jézus.

bis.

Mé rent d'ac'h éloj ha mélodi,  
Parouz Ivias ha Plourivo,  
Plouec-ar-Mor, parouz Kériti ;  
Doué gant justis ho paéo,  
Ilizou kaër hoc'h euz bastiset,  
Brudet é pévar c'horn ar vro ;  
Mès kaërc'h éo eur plas préparé  
Da eunn éné mad 'barz enn envo.

bis.

Parouz Plounéz, partère Breiz-Izel.  
Enn hoc'h é ma ar blanten roz ;  
Hé grio zo enn ho iliz zantel,  
Hag ar fleuren er baradoz ;  
Konsolasion ar béachour  
Ebarz trubulio ar vué,  
Ann Itron Varia Guir-Zikour  
A ra miraklo bépréd.

bis.

Ma minonet, erru éo ar pilot  
Hon gunduo bété ar c'haé.  
Mès pétra wélan enn bord ann aot ?  
Séllét kaëra chapel névé,  
Batiset enn parouz Plaéranek,  
Enn hénor aon Dréindet zantel,  
Vit digémer ar bélérinet  
Euz a bévar c'horn Breiz izel.

bis.

Doué en deuz akordet grasou  
Abaéo pel amzer er plas-zé,  
Da baréat ar ramatismou  
Dar ré hen péd dré garanté.  
Né c'halomp két kaout gwélloc'h konfians,  
Enn afliksion ar vué ;  
Ann Dréindet a zo hon espérans  
Epad ann holl éternité.

bis.

Péb dén a fiks hé dévotion  
Enn lèch ma kav zikouriou mad,  
Mé am euz obligasion  
D'ann Itron-Varia Kélou-Mad,  
Mar antréan ann déz a c'hirié  
Ebarz enn douar Breiz-Izel,  
Eo eur mirakl a buissans Doué,  
Ha zikour ar Werc'héz zantel

bis.

Béz em euz mémoar. ma ékipach,  
Pa oamp barz ar mor kourouset,  
Enn danjer da ober eunn naufrach,  
Am boa dar Werc'hez proméset,  
Mar arifenn enn Pempoul gwélo,  
E teuffenn da drugarékat  
Mestrez ann douar hag ann éno,  
Ann Itron-Varia Kélo-Mad.

bis.

En em gwiskomp enn pélerinet.  
Rentet é m'omp enn bord ar c'haé,  
Déomp holl asamblez d'hé gwélet,  
Pa omp rétornet enn bué.  
Mé am euz ann hano a gabiten,  
Mès Doué hép kén a gommând ;  
Ar Werc'héz a zo hon stéréden,  
Sklerder ar bét antiéramant.

bis.

Ha pa hor bézo gréat hon dévotion,  
En em rentomp pép-hini d'hé vro.  
Doué da rei hé vénédiksion  
Oar n-omp holl bété 'r maro.  
Ha ma n'erruomp kén er bed-man  
Er memez ambarkasion,  
Mé dézir ma c'héfoomp da ganan,  
Métodi d'hon Roué enn Sion.

bis.

Ann Ekipach holl asamblez.

Dré hoc'h éo en em zervijet Doué  
Da ober eur mirakl enn hon andrét ;  
Ho patimant, ével arc'h Noé,  
Zo euz ann déluj prézervet.  
Adieu d'ec'h, kabiten vénérabl,  
Chanz er mor hag enn douar,  
Hag ann Itron-Varia Kélo-Mad  
D'hô kunduo eun déz d'ar gloar.

bis.

Fin da ganaouen ar C'habiten.

Ann ékipach-man en deuz dizklériet béza  
bét épad penzèk dévèz o ruillal dré ar  
mor, gant eur bar amzer fall, é-kreiz étré  
daou dour, ha pénoz mar int bet sovétéet,  
na int némert dré brotek-ion ar Werc'héz,  
da béhini oant en em adrését.

GRÉAT GANT PÈR RAIZON.

Propriété de l'Éditeur.